

შპს “მომენტი”

ქვეყნის წყალმომარაგების „ვარიანის“ სატავე წაგებობის 250 მეტრიანი მონაკვეთის  
ნაპირდაცვის საპროექტო დოკუმენტაცია (ტექსტური უწყისები, ნახაზები და  
ხარჯთაღრიცხვა)

დირექტორი

კ.ხომასურიძე

2020 წელი

შესავალი

ქ.გორის წყალმომარაგების „ვარიანის“ სათავე ნაგებობის 250 მეტრიანი მონაკვეთის ნაპირდაცვის საპროექტო დოკუმენტაცია შესრულებულია შ.პ.ს „ლოდი+“-თან დადებილი ხელშეკრულების, შ.პ.ს საქართველოს გაერთიანებული წყალმომარაგების კომპანიასა და შ.პ.ს „ლოდი+“-ს შორის გაფორმრბული ხელშეკრულების და ტექნიკური დავალების შესაბამისად. პროექტის საფუძვლ წარმოადგენს შპს „მომენტის“ მიერ განხორციელებული აზომვითი და საძიებო-კვლევითი სამუშაოები. სამუშაო პროექტის დამუშავებისას გამოყენებული იქნა საქართველოში მოქმედი სამშენებლო ნორმები და წესები:

ს.ნ.დაწ. 2.05.03-84 - „ხიდები და მილები“

ს.ნ.დაწ. 2.02.02.-85 - „საავტომობილო გზები“

გამოყენებულია აგრეთვე სხვა და სხვა ტექნიკური ლიტერატურა და წინა წლების საპროექტო მასალები.

საპროექტო დოკუმენტაცია დამუშავებულია ავტომატიზირებული საპროექტო პროგრამების დახმარებით. საველე-საკვლევაძიებო სამუშაოების ჩატარების პერიოდში მოძიებული და შერჩეული იქნა რაიონში მოქმედი კარიერები, ქვის სამტვრევი და დადგენილი იქნა ზიდვის სავარაუდო მანძილები.

საპროექტო უბანი მდებარეობს გორის მუნიციპალიტეტში წყალმომარაგების ვარიანის სათავე ნაგებობასთან მდინარე ლიახვის კალაპოტის მარჯვენა სანაპიროზე ნაკვეთის (საკადასტრო კოდით - 66.43.10.098) ჩრდილო-აღმოსავლეთით. ძლიერი წყალდიდობისა და წყლამოვარდნის დროს ინტესიურად ირეცხება მდინარის მარჯვენა ნაპირი, რაც საშიშროებას უქმნის ქ. გორის წყალმომარაგების „ვარიანის“ სათავე ნაგებობას.

### საპროექტო ღონისძიებები

საპროექტო გაბიონის კედლის სიგრძე შეადგებს 250,0 მეტრს. გაბიონის კედელი შედგება 3 იარუსისგან და ლეიბისგან. ნაგებობაში გამოყენებული არის 1.5X1.0X1.0, და 2.0X1.0X1.0 ზომის ყუთები. ლეიბის ზომებია 5.0X2.0X0.3მ. ყუთები და ლეიბი მზადდება ქარხნული წესით 2.7მმ სისქის გალვანიზირებული მავთულით, ყუთების უჯრედის ზომა შეადგენს 8X10მმ. გაბიონის ყუთები უნდა შეესაბამებოდეს 10223-3 სტანდარტს. ნაგებობის უკან ქვაბულიდან ამოღებული და შემოტანილი მასალით ეწყობა უკუყრილი. გაბიონი ყუთების შესავსებად გამოყენებული იქნას მდინარის (რიყის) ქვა. მასალის ხარისხი საჭიროების შემთხვევაში დადგინდეს ლაბორატორიული კვლევით და სერტიფიკატებით.

### გამოსაყენებელი მანქანა მექანიზმები

ექსკავატორი- 1 ცალი

თვითმცლელი 2 ცალი

ხელის სატკეპნი 1 ცალი

### უსაფრთხოების ტექნიკა

მშენებლობაში მშენებლობის წარმოებაში უსაფრთხო მეთოდების და სანიტარული ნორმების დაცვა სავალდებულოა. ტექნიკური უსაფრთხოების წესების ნორმებში (II-4-89) განხილულია ყველა ის საკითხი, რომელთა ცოდნა სავალდებულოა მშენებლობის პერსონალისათვის. მშენებლობაზე შეიძლება დაშვებული იქნენ ის პირები, რომელთაც ჩაუტარდებათ ტექნიკის უსაფრთხოების და სანიტარულ წესებზე სპეციალური ინსტრუქტაჟი. შემდგომში მუშა-მოსამსახურეებს განმეორებითი ინსტრუქტაჟი უტარდებათ ყოველსამთვეში. განმეორებით 3 თვეში, ან სამუშაოხასიათის, ან ადგილის შეცვლასთან დაკავშირებით. სამუშაოს დაწყების წინ მუშები უზრუნველყოფილი უნდა იყვნენ დამცველი ჩაჩქანებით, სპეციალური ტანსაცმლით და ფეხსაცმლით. მშენებლობის ყველა ქვეგანაყოფები უზრუნველყოფილი უნდა იყვნენ პირველადი დახმარების მედიკამენტებით. მუშებისათვის, რომელთა სამუშაო დაკავშირებულია ტოქსიკურ მასალებთან, საჭიროა მუდმივი მედპრესონალის ზედამხედველობა. ამწე-მექანიზმების მუშაობა ტვირთის გადაადგილების დროს უნდა მოხდეს თანდათანობით, ბიძგების გარეშე. ამწეების მოქმედების ზონაში ხალხის ყოფნა დაშვებული არ არის. თვითმცლელების, ამწეების ექსაკვატორის მუშაობა ელ. გადამცემი ხაზების ქვეშ დაუშვებელია უსაფრთხო მანძილის დარღვევის შემთხვევაში. ხანძარსაწინააღმდეგო უსაფრთხოების წესების შესრულებას მშენებლობაზე უნდა დაეთმოს განსაკუთრებული ყურადღება. ობიექტზე უნდა არსებობდეს სპეციალური ჟურნალი, სადაც დაფიქსირდება უსაფრთხოების ტექნიკის დარღვევის ყველა შემთხვევა. მშენებელი ვალდებულია შეასრულოსზემოთაღნიშნული ყველა მოთხოვნა და ის მოთხოვნებიც, რომლებიც მითითებულია ზემოხსენებულ სამშენებლო ნორმებსა და წესებში.

### გარემოს დაცვითი ღონისძიებები

მოსამზადებელი სამუშაოებისა და უშუალოდ სამშენებლო-სამონტაჟო სამუშაოთა წარმოებისას მშენებელი ვალდებულია დაიცვას ქვემოთ ჩამოთვლილი და სხვა შესაბამისი სამშენებლო ნორმებით და წესებით განსაზღვრული ღონისძიებები: - განალაგოს სამშენებლო მოედანი და დროებითი შენობა-ნაგებობები პროექტის მიხედვით ან საავტომობილო გზის განთვისების ზოლში, თუ ამის შესაძლებლობა არსებობს; სამუშაოთა დამთავრების შემდეგ მშენებლობის ადგილი და სამშენებლო მოედანი უნდა გასუფთავდეს ყოველგვარი სამშენებლო და საყოფაცხოვრებო ნაგვისაგან და გატანილი იქნას ადგილობრივ თვითმმართველობის ორგანოებთან შეთანხმებულ ადგილზე; აკრძალულია მანქანა-დანადგარების რეცხვა მდინარის ნაპირზე, მათ გასარეცხად უნდა მოეწყოს სპეციალურად აღჭურვილი ადგილები; უნდა აღდგენილი იქნას ნიადაგი და დაზიანებული მიწის მცენარეული ფენა; ტექნოლოგიურ დანადგარებთან, საიდანაც შესაძლებელია მტვრისა და სხვა მავნე ნივთიერებათა გამოფრქვევა, უნდა მოეწყოს სპეციალური მტვრის დამჭერი ფილტრები და დანადგარები.





## მდინარე დიდ ლიახვის მოკლე პიდოგრაფიული

### დახასიათება

მდინარე დიდი ლიახვი სათავეს იღებს სოფ. გოლუათასთან 2337,7 მ. სიმაღლეზე, ერთვის მდ. მტკვარს მარცხენა მხრიდან ზღვის დონიდან 972 მ-ზე ქ. გორთან. მდინარის სიგრძე 98 კმ-ია, საერთო ვარდნა 1755 მ, საშუალო ქანობი 17,9, წყალშემკრები აუზის ფართობი 2440 კმ<sup>2</sup>, საშუალო სიმაღლე 1590 მ.

მდინარეს ერთვის სხვადასხვა რიგის 591 შენაკადი, საერთო სიგრძით 1800 კმ. მათ შორის მნიშვნელოვანია პატარა ლიახვი (სიგრძით 63 კმ) და მეჯუდა (46 კმ).

აუზი მდებარეობს კავკასიონის ქედის სამხრეთ ფერდობზე, დასავლეთით შემოსაზღვრულია რაჭის და სურამის ქედებით, აღმოსავლეთით ხარულის ქედით, სამხრეთით კი მდ. მტკვრის დაბლობით. მთელ აუზს გეომორფოლოგიურად ყოვენ მაღალმთიან, მთისწინეთის და დაბლობის ნაწილებად.

აუზის მაღალმთიანი ნაწილი წარსულში განიცდიდა ძლიერ გამყინვარებას, რაზეც მიგვანიშნებს მრავალრიცხვანი კარები, ტროგები და მორენები. კავკასიონის ქედის ფარგლებში აუზი მოიცავს 12 მყინვარს საერთო ფართობით 5,5 კმ<sup>2</sup>. აუზის მაღალმთიანი რაიონი აგებულია თიხაფიქლებით, მერგელებით და კირქვებით. მთისწინეთის აგებულებაში მონაწილეობას იღებენ ქვიშაქვები და თიხაფიქლები, ხოლო დაბლობი აგებულია ძველი და ახალი ალუვიური ნალექებით.

აუზში გამოიყოფა შემდეგი ტიპის ნიადაგები: ყავისფერი, მუქი ყომრალი, ტყის ყომრალი, მთა-მდელოს და ალუვიური ნიადაგები.

აუზის მცენარეულობა ხასიათდება ვერტიკალური ზონალობით. დაბლობის ფარგლებში გავრცელებულია ბუჩქნარები, მთისწინეთის ზონაში, 1000-1100 მეტრ სიმაღლეზე გავრცელებულია შერეული ტყე. მაღალმთიანი რაიონი კი ხასიათდება სუბალპური და ალპური მდელოებით.

მდინარის ერთი ნაწილი, სათავიდან სოფ. კეხვამდე გრძელდება 56 კმ-ზე, მისი ხეობა დიდ მანძილზე დატერასებულია. ტერასების ზედაპირი თანაბარია, სუსტად დანაწევრებული, აგებულია თიხაფიქლებით და ხირხატიანი ნიადაგით, ძირითადად დაფარულია ბალახით და ბუჩქნარებით.

ჭალა გეხვდება მდინარის ამ ნაწილის მთელ გაყოლებაზე. იგი ძირითადად მშრალია, ზოგან დაფარულია ბუჩქნარით. გაზაფხულის წყალდიდობის დროს 2-3 დღით იტბორება.

მდინარის კალაპოტი ზომიერად კლაკნილი და ძირითადად დაუტოტავია. მდინარის სიგანე 4-დან 32 მეტრამდე, სიღრმე 0,3-დან 2,4 მ-მდე, დინების სიჩქარე კი 1,4 მ/წმ-დან 3 მ/წმ-მდე მერყეობს.

მდინარის მეორე ნახევარი სოფ. კეხვიდან შესართავამდე გრძელდება 42 კმ-ზე. ხეობას ამ მონაკვეთზე ტრაპეციის ფორმა აქვს. ხეობის ფერდობები დატერასებულია. მცენარეულობიდან წარმოდგენილია ფოთლოვანი ხეები, ტერასები ათვისებულია ბოსტნებით, ბაღებით და სახნავებით.

კარგად გამოხატული ჭალა ორმხრივია. იგი დიდ ნაწილზე მოკლებულია მცენარეულობას. გაზაფხულის წყალდიდობისას იტბორება 1-5 დღით. კალაპოტი ზომიერად კლაკნილი და ზომიერად დატოტვილია. მდინარის სიგანე მერყეობს 4 მეტრიდან (სოფ.

შინდისი) 60 მეტრამდე (ქვერი), სიღრმე იცვლება 0,1-0,7 მეტრიდან 1,1-2,6 მეტრამდე. დინების სიჩქარე 0,2 მ/წმ-დან 2,5 მ/წმ-მდე.

მდინარის რეჟიმი ხასიათდება გაზაფხულის წყალდიდობით და ზამთრის წყალმცირობით. სანაპირო ზოლის დატბორვის თავიდან ასაცილებლად აშენებენ ქვის ჯებირებს.

მდინარის კვებაში მონაწილეობას იღებს წვიმის, თოვლის, მყინვარის და გრუნტის წყლები.

მდინარის წლიური ჩამონადენი სეზონებს შორის ასეთია: გაზაფხულზე ჩამოედინება წლიური ჩამონადენის 30-39%, ზაფხულში 37-42%, შემოდგომაზე 14-16%, ზამთარში 8-9%.

მდინარე დიდი ლიახვი გამოიყენება სარწყავად. მის მარცხენა შენაკად პატარა ლიახვზე, სოფ. ზონკართან, მოწყობილია ირიგაციული დანიშნულების ზონჯარის წყალსაცავი, რომლის მთლიანი მოცულობა 40,3 მლნ. მ<sup>3</sup>-ია. მდინარიდან წყალს იღებენ კევის, ტირიფონის, სალთვისის, დიდი რუს, ზედა რუს სარწყავი სისტემები და მრავალი მცირე ლოკალური არხები.

## პლიმატი

საკვლევი ტერიტორია მდებარეობს შიდა ქართლის ბარში, სადაც გაბატონებულია ზომიერად ნოტიო სუბტროპიკული კლიმატი. გაბატონებული კლიმატური პირობების ჩამოყალიბებას განაპირობებს რამდენიმე ფაქტორი: ტერიტორიის ოროგრაფიული პირობები, მნიშვნელოვანი დაცილება შავი ზღვიდან და მტკვრის ხეობით შემოჭრილი პაერის მასები.

აღნიშნული ტერიტორიის კლიმატური დახასიათება შედგენილია უშუალოდ ტერიტორიაზე არსებული მეტეოროლოგიური სადგურების მრავალწლიური დაკვირვების მონაცემების საფუძველზე.

საკვლევ ტერიტორიაზე და მის სიახლოეს არსებული მეტეოროლოგიური სადგურებისა და საგუშაგოების ჩამონათვალი, ზღვის დონიდან მათი მდებარეობისა და მეტეოროლოგიურ ელემენტებზე დაკვირვებების დაწყების თარიღების ჩვენებით, მოცემულია №1 ცხრილში.

საკვლევ ტერიტორიაზე და მის სიახლოეს არსებული

მეტეოროლოგიური სადგურები

ცხრილი №1

მეტსადგური	სიმაღლე ზღვის დონიდან მ-სი	პაერის ტემპერატურა	ნიადაგის ტემპერატურა	ნალექები/ თოვლის საფარი	პაერის სინოტიკე	ქარი
ცხინვალი	862	1917	1949	1917/1917	1936	1941
გორი	588	1885	1950	1891/1899	1936	1937
მეჯვრისხევი	797	1916	-	1918/1928	1936	-

აღნიშნული მეტეოროლოგიური სადგურების მონაცემებით, აქ მზის ნათების ხანგრძლივობა მთელი წლის განმავლობაში მაღალია და მისი საშუალო წლიური სიღრმე 2300 საათს აღემატება.

ჯამობრივი რადიაციაც, რომლის სიდიდე 120-130 კგალ/სმ<sup>2</sup>-ს შორის მერყეობს, საქმაოდ მაღალია, ხოლო რადიაციული ბალანსის წლიური მაჩვენებელი 50 კგალ/სმ<sup>2</sup>-ს შეადგენს.

მზის რადიაციასთან უშუალო კაგშირშია კლიმატური პირობების მაფორმირებელი ერთ-ერთი ძირითადი ფაქტორი – ჰაერის ტემპერატურა, რომლის საშუალო თვიური, წლიური და ექსტრემალური მნიშვნელობები, აღნიშნულ ტერიტორიაზე და მის სიახლოვეს არსებული მეტეოროლოგიური სადგურების მრავალწლიური დაკვირვების მონაცემების მიხედვით, მოცემულია №2 ცხრილში.

ჰაერის ტემპერატურის საშუალო თვიური, წლიური და

ექსტრემალური სიდიდეები ტ<sup>0</sup> ბ

ცხრილი №2

მეტსადგური	ტ <sup>0</sup> ც	I	II	III	IV	V	VI	VII	VIII	IX	X	XI	XII	წელი
ცხინვალი	საშუალო	-1.8	1.0	3.2	8.7	13.9	17.3	20.3	20.5	16.3	11.1	5.1	0.5	9.5
	აბს.მაქს.	16	17	25	29	31	34	36	36	34	28	25	18	36
	აბს.მინ.	-28	-25	-17	-8	-2	4	4	5	-3	-8	-17	-23	-28
გორი	საშუალო	-1.2	0.2	4.8	10.3	15.7	19.1	22.2	22.3	18.0	12.3	6.0	0.9	10.9
	აბს.მაქს.	16	19	28	31	34	38	38	40	37	32	25	18	40
	აბს.მინ.	-28	-26	-19	-9	-3	2	6	5	-3	-9	-18	-24	-28
მეჯვრისხევი	საშუალო	-1.3	0.2	3.9	9.2	14.4	17.6	20.5	20.9	16.7	11.5	5.4	0.8	10.0
	აბს.მაქს.	16	19	26	29	31	35	38	37	35	31	25	20	38
	აბს.მინ.	-28	-25	-16	-7	-3	3	5	5	-3	-8	-17	-22	-28

როგორც წარმოდგენილი №2 ცხრილიდან ჩანს, რაიონში ყველაზე ცხელი თვეებია ივლისი და აგვისტო, ხოლო ყველაზე ცივი – იანვარი და დეკემბერი.

რაიონში წაყინვები, ანუ საშუალო დღე-დღემური დაღებითი ტემპერატურების ფონზე ჰაერის გაცივება 0<sup>0</sup> ზე ქვემოთ, საშუალოდ იწყება ოქტომბერში ან ნოემბერში და მთავრდება აპრილის მეორე დეკადაში.

წაყინვების დაწყებისა და დასრულების თარიღები, ასევე უყინვო პერიოდის ხანგრძლივობა დღეებში, იმავე მეტსადგურებისა მრავალწლიური დაკვირვების მონაცემების მიხედვით, მოცემულია №3 ცხრილში.

წაყინვების დაწყებისა და დასრულების თარიღები და უყინვო პერიოდის

ხანგრძლივობა დღეებში

ცხრილი №3

მეტსადგური	წაყინვების თარიღი						უყინვო პერიოდი დღეებში		
	დასაწყისი			დასასრული			საშუალო	უმცირესი	უდიდესი
	საშუალო	ნაადრე	გვიანი	საშუალო	ნაადრე	გვიანი			

		ვი			ვი				
ცხინვალი	7.XI	-	-	11.IV	-	-	209	-	-
გორი	29.X	-	-	11.IV	-	-	200	-	-
მეჯვრისხევი	1.XI	-	-	12.IV	-	-	202	-	-

ნიადაგის ზედაპირის ტემპერატურა, რომელიც დამოკიდებულია ნიადაგის ტიპზე, მის მექანიკურ შემაღენლობაზე, სინოტივეზე, მის დაცულობაზე მცენარეული საფარით ზაფხულში და ოვენტის საფარის სიმაღლეზე ზამთარში, ითვალისწინებს ნიადაგის ზედაპირის რამდენიმე მმ-იანი სისქის ტემპერატურას. მისი მაჩვენებლები მჭიდრო კავშირშია პაერის ტემპერატურის სიდიდეებთან. ამასთან, მისი საშუალო წლიური მაჩვენებელი, საკვლევ ტერიტორიაზე,  $2^0$ -ზე მეტად აღმატება პაერის ტემპერატურის საშუალო წლიურ სიდიდეს.

ნიადაგის ზედაპირის საშუალო თვიური, წლიური, საშუალო მაქსიმალური და საშუალო მინიმალური მნიშვნელობები, ცხინვალისა და გორის მეტსადგურების მრავალწლიური დაკვირვების მონაცემების მიხედვით, მოცემულია №4 ცხრილში.

ნიადაგის ზედაპირის საშუალო თვიური, წლიური, მაქსიმალური და

მინიმალური ტემპერატურები ტ<sup>0</sup>ზე

ცხრილი №4

მეტსადგური	ტემპერატურა	I	II	III	IV	V	VI	VII	VIII	IX	X	XI	XII	წელი
ცხინვალი	საშუალო	-2	-2	5	12	18	23	26	26	20	12	5	1	12
	საშ.მაქსიმუმი	6	8	19	31	40	45	48	48	39	28	16	8	28
	საშ.მინიმუმი	-8	-8	-3	2	7	11	14	14	10	5	-1	-6	3
გორი	საშუალო	-2	1	6	12	19	23	27	26	20	12	6	0	12
	საშ.მაქსიმუმი	6	10	21	29	36	41	46	46	38	28	17	8	27
	საშ.მინიმუმი	-6	-5	-2	2	9	12	16	15	11	5	0	-5	4

ნიადაგის ზედაპირის წაყინვების დაწყებისა და დასრულების საშუალო თარიღები, ასევე უყინვო პერიოდის ხანგრძლივობა დღეებში, იმავე მეტსადგურების მრავალწლიური დაკვირვების მონაცემების მიხედვით, მოცემულია №5 ცხრილში.

ნიადაგის ზედაპირის წაყინვების დაწყებისა და დასრულების  
საშუალო თარიღები და უყინვო პერიოდის ხანგრძლივობა  
დღეებში

ცხრილი №5

მეტსადგური	წაყინვის საშუალო თარიღი		უყინვო პერიოდის ხანგრძლივობა დღეებში
	პირველი ჟემოდგომაზე	საბოლოო გაზაფხულზე	
ცხინვალი	25.X	24.IV	183
გორი	14.X	25.IV	171

ნიადაგის ზედაპირის ტემპერატურის ცვალებადობა ვრცელდება ნიადაგის სიღრმეში, ამასთან სიღრმის მატებასთან ერთად მცირდება ტემპერატურის ამპლიტუდა.

ნიადაგის სხვადასხვა სიღრმის საშუალო თვიური და წლიური ტემპერატურები, გორის მეტსადგურის მრავალწლიური დაკვირვების მონაცემების მიხედვით, მოცემულია №6 ცხრილში.

ნიადაგის სიღრმის საშუალო თვიური და წლიური ტემპერატურები ტ<sup>0</sup>ჩ

ცხრილი №6

მეტსადგური	სიღრმე მ-ში	I	II	III	IV	V	VI	VII	VIII	IX	X	XI	XII	წელი
გორი	0.2	-	-	-	-	-	-	-	-	-	-	-	-	-
	0.4	3.0	3.1	5.3	10.3	15.5	19.8	23.8	24.7	21.0	14.9	8.9	3.6	12.8
	0.8	4.4	3.8	5.4	9.2	13.9	17.7	21.2	22.9	20.6	15.8	11.1	6.0	12.7
	1.6	7.9	7.1	7.3	8.9	11.9	14.6	17.3	19.3	19.1	16.5	13.5	10.0	12.8
	3.2	11.6	10.6	10.2	10.2	11.0	12.1	13.2	14.4	15.1	14.9	14.0	12.8	12.5

ატმოსფერული ნალექები, რომლებიც წარმოადგენენ რაიონის კლიმატური და ჰიდროლოგიური რეჟიმის მაფორმირებელ ერთ-ერთ ძირითად ელემენტს, საკვლევ ტერიტორიაზე არც თუ დიდი რაოდენობით მოდის. საკვლევ ტერიტორიაზე მოსული ატმოსფერული ნალექების წლიური ჯამი მერყეობს 585 მმ-დან 727 მმ-დან. ამასთან, ნალექების წლიური მსგლელობა ხასიათდება კონტინენტური ტიპით, ერთი მაქსიმუმით მაის-ივნისში და მეორადი, უმნიშვნელო მაქსიმუმით სექტემბერ-ოქტომბერში.

ატმოსფერული ნალექების საშუალო თვიური რაოდენობა და წლიური ჯამი, იმავე მეტსადგურების მრავალწლიური დაკვირვების მონაცემების მიხედვით, მოცემულია №7 ცხრილში.

ნალექების საშუალო თვიური რაოდენობა და წლიური ჯამი მმ-ში

ცხრილი №7

მეტსადგური	I	II	III	IV	V	VI	VII	VIII	IX	X	XI	XII	წელი
ცხინვალი	57	60	58	61	79	66	49	41	52	61	59	53	696
გორი	42	47	45	52	76	62	44	34	43	48	47	45	585
მეჯგრისხევი	41	44	44	54	80	65	46	35	45	51	49	46	600

აქ ნალექების დღე-დამური მაქსიმალური რაოდენობა არც ისე მაღალია. ნალექების დღე-დამური მაქსიმალური რაოდენობა, დაფიქსირებული ცხინვალის მეტსადგურზე 1962 წლის 30 ივნისს, 89 მმ-ს შეადგინს.

სხვადასხვა უზრუნველყოფის ნალექების დღე-დამური მაქსიმალური რაოდენობა, დადგენილი გორისა და ცხინვალის მეტსადგურებზე მრავალწლიური დაკვირვების მონაცემების საფუძველზე, მოცემულია №8 ცხრილში.

### სხვადასხვა უზრუნველყოფის ნალექების დღე-დამური

მაქსიმუმები მმ-ში (წლიური)

ცხრილი №8

მეტსადგური	საშუალო მაქსიმუმი	უზრუნველყოფა %						დაკვირვებული მაქსიმუმი	
		63	20	10	5	2	1		
ცხინვალი	39	32	46	55	67	87	100	89	30.VI.1962
გორი	32	28	40	47	54	65	74	71	11.XI.1895

პაერის სინოტივე ერთ-ერთი მნიშვნელოვანი კლიმატური ელემენტია. მას უმთავრესად სამი სიდიდით ახასიათებენ, ესენია: წყლის ორთქლის დრეკადობა ანუ აბსოლუტური სინოტივე, შეფარდებითი სინოტივე და სინოტივის დეფიციტი. პირველი ახასიათებს პაერში წყლის ორთქლის რაოდენობას, მეორე – პაერის ორთქლით გაფლენთვის ხარისხს, ხოლო მესამე – მიუთითებს შესაძლებელი აორთქლების სიდიდეზე.

საკლევ ტერიტორიაზე პაერის სინოტივის მაჩვენებლები არც ისე მაღალია. აღსანიშნავია, რომ პაერის წყლის ორთქლით გაჯერებისა (აბსოლუტური სინოტივის) და მისი დეფიციტის მაჩვენებლის წლიური მსვლელობა პრაქტიკულად ემთხვევა პაერის ტემპერატურის წლიურ მსვლელობას.

პაერის სინოტივის მაჩვენებლების საშუალო ოვიური და წლიური სიდიდეები იმავე მეტსადგურების მრავალწლიური დაკვირვების მონაცემების მიხედვით, მოცემულია №9 ცხრილში.

### პაერის სინოტივის საშუალო ოვიური და წლიური სიდიდეები

ცხრილი №9

მეტსადგური	ტენიანობა	I	II	III	IV	V	VI	VII	VIII	IX	X	XI	XII	წელი
	აბსოლუტური მმ-ში	4.4	4.6	5.3	7.4	10.7	13.2	15.7	15.0	12.4	9.3	6.9	4.8	9.1

ცხინვალი	შეფარდებითი %-ში	75	75	72	66	67	66	66	64	69	74	76	74	70
	დეფიციტი მბ-ში	1.6	1.7	2.6	4.8	6.4	8.2	9.6	9.9	6.9	4.0	2.6	1.9	5.0
გორი	აბსოლუტური მბ-ში	5.1	5.3	6.0	8.5	12.2	14.7	17.3	16.9	14.1	10.7	7.9	5.8	10.4
	შეფარდებითი %-ში	82	79	74	68	70	68	66	66	70	77	81	82	74
	დეფიციტი მბ-ში	1.3	1.7	2.8	5.0	6.5	8.8	10.8	11.1	7.4	4.0	2.2	1.3	5.2
მეჯვრისხევი	აბსოლუტური მბ-ში	4.8	4.9	5.6	7.9	11.4	13.9	16.5	15.9	13.7	10.2	7.5	5.5	9.8
	შეფარდებითი %-ში	80	78	73	67	70	68	68	66	72	77	79	80	73
	დეფიციტი მბ-ში	1.4	1.7	2.7	4.9	6.3	8.0	9.4	10.2	6.6	3.7	2.2	1.4	4.9

იმავი მეტეოროლოგიური საფარის განვითარების მრავალწლიური დაკვირვების მონაცემების მიხედვით, თოვლის საფარი საშუალოდ ყველაზე ადრე ჩნდება 3.XII-ს და ყველაზე გვიან ქრება 28.III-ს.

თოვლის საფარის გაჩენისა და გაქრობის თარიღები, ცხინვალისა და გორის მეტსადგურების მრავალწლიური დაკვირვების მონაცემების მიხედვით, მოცემულია №10 ცხრილში.

#### თოვლის საფარის გაჩენისა და გაქრობის თარიღები

ცხრილი №10

მეტსადგური	თოვლიან დღეთა რიცხვი	თოვლის საფარის გაჩენის თარიღი			თოვლის საფარის გაქრობის თარიღი		
		საშუალო	ნაადრევი	გვიანი	საშუალო	ნაადრევი	გვიანი
ცხინვალი	58	3.XII	26.X	30.XII	28.III	20.II	1.V
გორი	34	17.XII	26.X	-	14.III	-	20.IV

რაიონში ქრის ყველა მიმართულების ქარი, რაც განპირობებულია მდინარეების ხეობების მიმართულებით.

ქარების მიმართულებები და შტილების რაოდენობა იმავე მეტსადგურების მრავალწლიური დაკვირვების მონაცემების მიხედვით, მოცემულია №11 ცხრილში.

ქარების მიმართულება და შტილების რაოდენობა %-ში წლიურიდან  
ცხრილი №11

მეტსადგური	წ	წა	პ	სა	ს	სდ	დ	ჩდ	შტილი
ცხინვალი	35	5	4	21	3	4	25	3	21
გორი	3	0	7	41	1	0	3	45	22

ქარის საშუალო წლიური სიჩქარე საკვლევ ტერიტორიაზე საკმაოდ მაღალია და მეტსადგურ ცხინვალის მონაცემებით 4,0 მ/წმ-ს აღწევს, ხოლო ქარის საშუალო თვიური მაქსიმალური სიჩქარე, დაფიქსირებული აპრილის თვეში იმავე მეტსადგურის მონაცემებით 5,2 მ/წმ-ს შეადგენს.

ქარის საშუალო თვიური და წლიური სიჩქარეები, იმავე მეტსადგურების მრავალწლიური დაკვირვების მონაცემების მიხედვით, მოცემულია №12 ცხრილში.

ქარის საშუალო თვიური და წლიური სიჩქარე მ/წმ-ში

ცხრილი №12

მეტსადგური	ფლიუგერის სიმაღლე	I	II	III	IV	V	VI	VII	VIII	IX	X	XI	XII	წელი
ცხინვალი	10 მ.	3.2	3.9	4.7	5.2	4.7	4.6	4.4	4.2	4.2	3.8	3.0	2.6	4.0
გორი	11 მ.	3.2	4.0	4.9	5.1	4.6	4.3	4.6	4.3	4.2	3.5	3.4	2.9	4.1

ქარის სხვადასხვა განმეორებადობის მაქსიმალური სიჩქარეები გორის, მუხრანის, ახალგორისა და ცხინვალის მეტსადგურების მრავალწლიური დაკვირვების მონაცემების მიხედვით, მოცემულია №13 ცხრილში.

ქარის მაქსიმალური სიჩქარეები მ/წმ-ში

ცხრილი №13

მეტსადგური	ქარის მაქსიმალური სიჩქარე (მ/წმ) შესაძლებელი ერთჯერ				
	1 წელში	5 წელში	10 წელში	15 წელში	20 წელში
ცხინვალი	22	24	25	25	26
გორი	20	22	23	24	25

შიდა ქართლის ბარში ღრუბლიანობა საკმაოდ მაღალია. საშუალოდ, წლის განმავლობაში, ცის თაღის 50-58 % დაფარულია ღრუბლებით. ღრუბლიანობა ყველგან მეტია ზამთარში, ნაკლებია ზაფხულში. საერთო ღრუბლიანობის მიხედვით მოღრუბლული დღეები 100-130-ს, ხოლო მინიმალური კი 40-65 შორის იცვლება.

ელჭექი საკმაოდ ხშირი მოვლენაა – 30-45 დღე წელიწადში. ცალკეულ წლებში უფრო მეტია და 70-ს უახლოვდება. ელჭექი აქ უმთავრესად წლის თბილ პერიოდში იცის (თვეში 5-12 დღე). იშვიათად ელჭექი ზამთარშიც აღინიშნება.

ელჭექისაგან განსხვავებით სეტემბერი მხოლოდ წლის თბილ პერიოდში იცის, ყველაზე ხშირია მაის-ივნისში. სეტემბერი დღეთა რიცხვი 1-2 დღეს არ აღემატება. ცალკეულ წლებში სეტემბერი 6-7-ჯერ დაფიქსირდა.

### წყლის მაქსიმალური ხარჯები

მდინარე დიდი ლიახვის წყლის მაქსიმალური ხარჯები საპროექტო ნაპირგამაგრების უბანზე დადგენილია ანალოგის მეთოდით. ანალოგად შერჩეულია ჰიდროლოგიური საგუშაგო დიდი ლიახვის კენაცემები.

მდინარე დიდ ლიახვზე დაკვირვებული მდინარის ჩამონადენზე მიმდინარეობდა პ/ს კენაცემების 53 წლის (1929-34, 1942, 1944-67, 1969-90 წლები) განმავლობაში. 53 წლიანი დაკვირვებულის პერიოდში მდ. დიდი ლიახვის წყლის მაქსიმალური ხარჯების დაკვირვებული სიდიდეები პ/ს კენაცემების კვეთში მერყეობდნენ 42,2 მ<sup>3</sup>/წმ-დან (1951 წ.) 330 მ<sup>3</sup>/წმ-დან (1987 წ.).

ჰიდროლოგიური საგუშაგო კენაცემების კვეთში, მდ. დიდი ლიახვის წყლის მაქსიმალური ხარჯების 53 წლიანი დაკვირვებულის მონაცემების ვარიაციული რიგის სტატისტიკური დამუშავების შედეგად უდიდესი დამაჯერებლობის მეთოდით, მიღებულია განაწილების მრუდის შემდეგი პარამეტრები:

- წყლის მაქსიმალური ხარჯების საშუალო მრავალწლიური სიდიდე  $Q_0 = \frac{\sum Q_i}{n} = 138 \text{ მ}^3/\text{წმ-ს};$
- ვარიაციის კოეფიციენტი, როდესაც  $\lambda_2 = \frac{\sum \lg K}{n-1} = -0,030$  და  $\lambda_3 = \frac{\sum K \lg K}{n-1} = +0,028-\text{s}, C_v = 0,36,$

ხოლო ასიმეტრიის კოეფიციენტი  $C_s = 1,5 C_v = 0,540.$

დადგენილია ვარიაციული რიგის რეპრეზენტატიულობის შესაფასებელი პარამეტრები, რაც მისაღებ ფარგლებშია, რადგან მაქსიმალური ხარჯების საშუალო მრავალწლიური ხარჯის შეფარდებითი საშუალო კვადრატული ცდომილება ტოლია  $V_{Q_0} = 5\%-ის$  ( $V_{Q_0} < 10\%$ ), ხოლო ვარიაციის კოეფიციენტის შეფარდებითი საშუალო კვადრატული ცდომილება –  $V_{C_v} = 9\%$  ( $V_{C_v} < 10\%$ ).

განაწილების მრუდის მიღებული პარამეტრებისა და სამპარამეტრიანი გამა- განაწილების ორდინატების მეშვეობით, დადგენილია მდ. დიდი ლიახვის სხვადასხვა უზრუნველყოფის წყლის მაქსიმალური ხარჯების სიდიდეები პ/ს კენაცემების კვეთში.

გადასვლა ანალოგიდან (პ/ს კენაცემი) საპროექტო კვეთში განხორციელებულია გადამყვანი კოეფიციენტის მეშვეობით, რომლის მნიშვნელობა მიიღება გამოსახულებით

$$K = \left( \frac{Fsapr.}{Fan.} \right)^n$$

სადაც  $F_{sapr}$ -მდინარე დიდი ლიახვის წყალშემკრები აუზის ფართობია საპროექტო კვეთში. ჩვენ შემთხვევაში  $F_{sapr} = 1602 \text{ } \text{dm}^2\text{-ls}$ ;

$F_{an}$ -მდინარე დიდი ლიახვის წყალშემკრები აუზის ფართობია ანალოგის, ანუ პ/ს კეხვის კვეთში, რაც ტოლია  $F_{an} = 924 \text{ } \text{dm}^2\text{-ls}$ ;

*n*-რედუქციის ხარისხის მაჩვენებელია, რაც მაქსიმალური ხარჯების შემთხვევასი აღებულია 0,5-ის ტოლი.

მოცემული რიცხვითი სიდიდეების შეყვანით ზემოთ მოყვანილ გამოსახულებაში, მიიღება ანალოგიდან საპროექტო კვეთში გადამყვანი კოეფიციენტის სიდიდე 1,317-ის ტოლი. პ/ს კეხვის კვეთში დადგენილი წყლის მაქსიმალური ხარჯების გადამრავლებით გადამყვან კოეფიციენტი, მიიღება წყლის მაქსიმალური ხარჯები საპროექტო ნაპირგამაგრების უბანზე.

მდინარე დიდი ლიახვის წყლის მაქსიმალური ხარჯების სხვადასხვა უზრუნველყოფის სიდიდეები ანალოგისა (პ/ს კეხვი) და საპროექტო კვეთებში, დადგენილი ანალოგის მიხედვით, მოცემულია №14 ცხრილი.

მდინარე დიდი ლიახვის წყლის მაქსიმალური ხარჯები

დადგენილი ანალოგის მიხედვით

ცხრილი №14

კვეთი	$F$ $\text{dm}^2$	$Q_0$ $\text{dm}^3/\text{წ}$	$Cv$	$Cs$	$K$	უზრუნველყოფა $P\%$			
						1	2	5	10
ანალოგი	924	138	0,36	0,54	—	272	257	227	205
საპროექტო	1602	182	—	—	1,317	358	338	299	270

როგორც წარმოდგენილი ცხრილიდან ჩანს, მდ. დიდი ლიახვის წყლის მაქსიმალური ხარჯები, დადგენილი დაკვირვების არსებულ მონაცემებზე დაყრდნობით, არარეალურად დაბალია. ეს შესაძლებელია აიხსნას პიდროლოგიური საგუშაგოს კვეთში წყლის რეალური მაქსიმალური ხარჯების დაკვირვებებს შორის პერიოდში გავლით და შესაბამისად მათი აღურიცხველობით. ამიტომ, მდ. დიდი ლიახვის წყლის მაქსიმალური ხარჯების საანგარიშო სიდიდეები საპროექტო კვეთში დადგენილია რეგიონალური ემპირიული ფორმულით, რომელიც გამოყვანილია სპეციალურად მდ. დიდი ლიახვის აუზისთვის და მოცემულია პიდროლოგიურ ცნობარში „სსრ კავშირის ზედაპირული წყლის რესურსები, ტომი IX, გამოშვება I“.

აღნიშნულ რეგიონალურ ფორმულას შემდეგი სახე გააჩნია

$$Q_{5\%} = \left[ \frac{20.8}{(F+1)^{0.5}} - 0.135 \right] \cdot F \text{ } \text{dm}^3/\text{წ}$$

სადაც  $Q_{5\%-5\%-0\%}$  უზრუნველყოფის წყლის მაქსიმალური ხარჯია  $\text{dm}^3/\text{წ}-\text{წ}$ ;

*F*-წყალშემკრები აუზის ფართობია საპროექტო კვეთში, რაც ჩვენ შემოხვევაში ტოლია 1602  $\text{dm}^2$ -ის.

წყალშემკრები აუზის ფართობის შეფვანით ზემოთ მოყვანილ რეგიონალურ ფორმულაში მიიღება მდ. დიდი ლიახვის 5%-იანი უზრუნველყოფის წყლის მაქსიმალური ხარჯის სიდიდე. 5%-იანი უზრუნველყოფიდან სხვადასხვა უზრუნველყოფებზე გადასვლა ხორციელდება სპეციალურად დამუშავებული გადამყვანი კოეფიციენტების მეშვეობით.

მდინარე დიდი ლიახვის სხვადასხვა უზრუნველყოფის წყლის მაქსიმალური ხარჯები საპროექტო კვეთში, დადგენილი ზემოთ მოყვანილი რეგიონალური ფორმულით, მოცემულია №15 ცხრილში.

მდინარე დიდი ლიახვის წყლის მაქსიმალური ხარჯები საპროექტო კვეთში  
ცხრილი №15

კვეთი	$F \text{ dm}^2$	უზრუნველყოფა $P \%$			
		1	2	5	10
საპროექტო	1602	986	832	616	524

მდინარე დიდი ლიახვის წყლის მაქსიმალური ხარჯები, მოყვანილი №15 ცხრილში, მიღებულია საანგარიშო სიდიდეებად საპროექტო ნაპირგამაგრების უბანზე.

### წყლის მაქსიმალური დონეები

საპროექტო უბანზე მდ. დიდი ლიახვის მაქსიმალური ხარჯების შესაბამისი დონეების ნიშულების დადგენის მიზნით, გადაღებული იქნა მდინარის კალაპოტის განივი კვეთები, რომელთა მიხედვით დადგენილი იქნა მდინარის ჰიდრავლიკური ელემენტები არსებულ პირობებში. ჰიდრავლიკური ელემენტების საფუძველზე აგებული იქნა წყლის მაქსიმალურ ხარჯებსა და დონეებს  $Q = f(H)$  დამოკიდებულების მრუდები, რომლებიც ერთმანეთთან შებმულია ნაკადის ჰიდრავლიკური ქანობის შერჩევის გზით.

კვეთში ნაკადის საშუალო სიჩქარე ნაანგარიშევია შეზი-მანინგის ცნობილი ფორმულით, რომელსაც შემდეგი სახე გააჩნია

$$V = \frac{h^{2/3} \cdot i^{1/2}}{n}$$

სადაც  $h$  – ნაკადის საშუალო სიღრმეა კვეთში მ-ში;

$i$  – ნაკადის ჰიდრავლიკური ქანობია ორ მეზობელ კვეთს შორის;

$n$  – კალაპოტის სიმქისის კოეფიციენტია, რომლის სიდიდე სპეციალური გათვლებით 0,044-ის ტოლი ;

ქვემოთ, №16 ცხრილში, მოცემულია მდ. დიდი ლიახვის სხვადასხვა განმეორებადობის წყლის მაქსიმალური ხარჯების შესაბამისი დონეების ნიშნულები სოფ. ვარიანტან არსებული საპროექტო ნაპირგამაგრების უბანზე.

მდინარე დიდი ლიახვის მაქსიმალური ხარჯების შესაბამისი დონეები  
ნაპირგამაგრების უბანზე

ცხრილი №16

განივის №	მანძილი განივებს შორის მ-ში	წყლის ნაპირის ნიშნულები მ. აბს.	ფსკერის უდაბლესი ნიშნულები მ. აბს.	წ.მ.ღ			
				‡ = 100 წყლს, = 986 მ <sup>3</sup> /წ	‡ = 50 წყლს, = 832 მ <sup>3</sup> /წ	‡ = 20 წყლს, = 616 მ <sup>3</sup> /წ	‡ = 10 წყლს, = 524 მ <sup>3</sup> /წ
1	110	677.70	677.1	679.00	678.70	678.50	678.30
2		676.75	675.93	678.60	678.30	678.00	677.80
3		676.55	675.75	678.10	678.00	677.80	677.60

ნახაზებზე, მდ. დიდი ლიახვის კალაპოტის განივ კვეთებზე, დატანილია 100 წლიანი და 10 წლიანი განმეორებადობის წყლის მაქსიმალური ხარჯების შესაბამისი დონეების ნიშნულები.

მდინარის ჰიდრავლიკური ელემენტები, რომელთა საფუძველზე განხორციელდა წყლის მაქსიმალურ ხარჯებსა და დონეებს შორის  $Q = f(H)$  დამოკიდებულების მრუდების აგება, მოცემულია №17 ცხრილში.

მდინარე დიდი ლიახვის ჰიდრავლიკური ელემენტები

ცხრილი №17

ნიშნულები მ. აბს	კვეთის ელემენტები	კვეთის ფართობი მ <sup>2</sup>	ნაკადის სიგანე მ	საშუალო სიღრმე მ	ნაკადის ქანობი მ	საშუალო სიჩქარე მ/წ	წყლის ხარჯი მ <sup>3</sup> /წ
განივი №3							
676.55	კალაპოტი	21.3	26.5	0.80	0.0068	1.61	34.3
677.00	კალაპოტი	60.5	56.0	1.08	0.0068	1.97	119
677.20	კალაპოტი	131	85.0	1.54	0.0068	2.50	328
677.90	კალაპოტი	231	115	2.01	0.0068	2.99	691
678.30	კალაპოტი	358	140	2.56	0.0068	3.52	1260
განივი №2 $L=110$ მ.							
676.55	კალაპ. I	16.8	38.5	0.44	0.0026	0.67	11.3

676.55	კალაპ. II	<u>26.5</u>	43.0	0.62	0.0026	0.84	<u>22.3</u>
		43.3	81.5				33.6
677.30	კალაპოტი	115	110	1.04	0.0015	0.90	104
677.70	კალაპოტი	230	120	1.92	0.0014	1.32	304
678.10	კალაპოტი	365	150	2.43	0.00176	1.73	631
678.60	კალაპოტი	525	170	3.09	0.0021	2.22	1166
განივი №1 $L=110$ მ.							
677.50	კალაპ. I	8.58	16.0	0.54	0.0106	1.55	13.3
677.50	კალაპ. II	<u>18.3</u>	<u>57.0</u>	0.32	0.0106	1.09	<u>19.9</u>
		26.9	73.0				33.2
678.00	კალაპოტი	165	140	1.18	0.0055	1.88	310
678.50	კალაპოტი	315	160	1.97	0.0038	2.21	696
679.00	კალაპოტი	490	190	2.58	0.0037	2.61	1279

### კალაპოტის მოსალოდნელი ზოგადი გარეცხვის სიღრმე

მდინარე დიდი ლიახვის კალაპოტური პროცესები საპროექტო ნაპირგამაგრების უბანზე შეუსწავლელია. ამიტომ, მისი კალაპოტის მოსალოდნელი ზოგადი გარეცხვის სიღრმე საპროექტო უბანზე დადგენილია მეთოდით, რომელიც მოცემულია „მთის მდინარეების ალუვიურ კალაპოტებში ჰიდროტექნიკური ნაგებობების პროექტირებისას მდგრადი კალაპოტის საანგარიშო ტექნიკურ მითითებაში“.

აღნიშნული მეთოდის თანახმად, კალაპოტის მოსალოდნელი ზოგადი გარეცხვის საშუალო სიღრმე მდინარის სწორხაზოვან უბანზე იანგარიშება ფორმულით

$$H_s = \frac{K}{i^{0,03}} \cdot \left( \frac{Q_{\rho\%}}{\sqrt{g}} \right)^{0,4} \quad \text{მ}$$

სადაც  $K$  – კოეფიციენტია, რომელიც ითვალისწინებს წყლის ხარჯისა და მასში შეწონილი მყარი ნატანის არაერთგვაროვნებას. მისი სიდიდე, დამოკიდებული წყალში შეტივტივებული მყარი მასალის რაოდენობაზე ( $\sim$  გრ/ლ) და ნაკადის საშუალო სიღრმისა და კალაპოტის მომკირწყლავი ნატანის საშუალო დიამეტრის ფარდობაზე ( $\frac{H}{d_{mok}}$ ), აიღება სპეციალური ცხრილიდან;

წყალში შეტივტივებული მყარი მასალის რაოდენობა იანგარიშება ფორმულით

$$\sim = 7000 \cdot \left( \frac{H}{d_{dan}} \right)^{0,7} \cdot i^{2,2} \quad \text{გრ/ლ}$$

სადაც  $H$  – ნაკადის საშუალო სიღრმეა საანგარიშო კვეთში. მისი სიდიდე აღებულია მდინარის ჰიდროგლიკური ელემენტებიდან და ჩვენ შემთხვევაში ტოლია 2,45 მ-ის;

$d_{dan}$  – მდინარის კალაპოტის ფსკერზე დაღეჭილი მყარი მასალის საშუალო დიამეტრია. მისი სიდიდე განისაზღვრება ფორმულით

$$d_{dan} = K \cdot i^{0.9} \cdot \left( \frac{Q_{10\%}}{\sqrt{g}} \right)^{0.4}$$

აქ  $K$  – კოეფიციენტია, რომელიც ითვალისწინებს წყლის ხარჯისა და მასში შეწონილი მყარი მასალის არაერთგვაროვნებას. მისი სიღიღე, დამოკიდებული წყალში შეტივტივებული მყარი მასალის რაოდენობაზე (~ გრ/ლ), აიღება შესაბამისი ცხრილიდან და ჩვენ შემთხვევაში ტოლია 1,6-ის;

$i$  – ორივე ფორმულაში ნაკადის პიდრავლიკური ქანობია საპროექტო უბანზე, რაც ჩვენ შემთხვევაში ტოლია 0,0068-ის;

$Q_{10\%}$  – მდ. დიდი ლიახვის 10%-იანი უზრუნველყოფის წლის მაქსიმალური ხარჯია, რაც ტოლია 524 მ<sup>3</sup>/წ-ის;

$g$  – ორივე ფორმულაში სიმძიმის ძალის აჩქარებაა.

მოცემული რიცხვითი სიღიღეების შეტანით ზემოთ მოყვანილ ფორმულებში მიიღება ~ =0,88 გრ/ლ-ს და  $d_{dan}=0,14$  მ-ს. აქედან  $d_{mok}=d_{dan} \cdot 1,8=0,25$  მ-ს, ხოლო ფარდობა  $\frac{H}{d_{mok}}=\frac{2,45}{0,25}=9,8 \geq 3$ -ზე და რასაც შესაბამისი ცხრილიდან შეეფარდება  $K=0,33$ ;

$Q_p\%$  – საანგარიშო უზრუნველყოფის წყლის მაქსიმალური ხარჯია. ჩვენ შემთხვევაში მდ. დიდი ლიახვის 1%-იანი უზრუნველყოფის წყლის მაქსიმალური ხარჯი ტოლია 986 მ<sup>3</sup>/წ-ის;

მოცემული რიცხვითი სიღიღეების შეტანით ზემოთ მოყვანილ ფორმულაში მიიღება მდ. დიდი ლიახვის კალაპოტის გარეცხვის საშუალო სიღრმე 3,83 მ-ის ტოლი.

იმავე მეთოდური მითითების თანახმად, შემდეგ იანგარიშება მდინარის მოხვეულობის რადიუსი საპროექტო უბანზე ქვემოთ მოყვანილი ფორმულით

$$R = \frac{3}{i^{0.5}} \cdot \left( \frac{Q_{p\%}}{\sqrt{g}} \right)^{0.4}$$

მოყვანილ ფორმულაში, სადაც აღნიშვნები იმავე მნიშვნელობისაა, რიცხვითი სიღიღეების შეყვანით მიიღება კალაპოტის მოხვეულობის საშუალო რადიუსი 365 მეტრის ტოლი.

კალაპოტის ზოგადი გარეცხვის საშუალო სიღრმე მრუდხაზოვან უბანზე იანგარიშება გამოსახულებით

$$H_m = H_s \cdot (1 + K_t)$$

სადაც  $H_s$  – კალაპოტის ზოგადი გარეცხვის საშუალო სიღრმეა სწორხაზოვან უბანზე, რაც ჩვენ შემთხვევაში ტოლია 3,83 მეტრის;

$K_t$  – კოეფიციენტია, რომლის მნიშვნელობა განისაზღვრება სპეციალური ცხრილიდან მდგრადი კალაპოტის სიგანისა და მოხვეულობის რადიუსის ფარდობის შესაბამისად. ჩვენ შემთხვევაში მდგრადი კალაპოტის სიგანე დაღგენილია ფორმულით

$$B = A \cdot \frac{Q_{p\%}^{0,5}}{i^{0,2}}$$

სადაც  $A$  – განზომილებითი კოეფიციენტია, რომლის სიდიდე მერყეობს 0,9-დან 1,1-მდე. ჩვენ შემთხვევაში მისი სიდიდე აღებულია 1,1-ის ტოლი. სხვა აღნიშვნები იმავე მნიშვნელობისაა, რაც ზემოთ მოყვანილ ფორმულებში.

შესაბამისი რიცხვითი სიდიდეების შეკვანით აღნიშნულ ფორმულაში, მიიღება მდ. დიდი ლიახვის მდგრადი კალაპოტის სიგანე 1%-იანი უზრუნველყოფის (100 წლიანი განმეორებადობის) წყლის მაქსიმალური ხარჯის გავლის პირობებში, რაც ტოლია 109,8 110,0 მეტრის.

მდგრადი კალაპოტის მიღებული სიგანისა და მოხვეულობის რადიუსის ფარდობა ტოლია 0,25-ის, რასაც შეესაბამება  $K_t$ -ს მნიშვნელობა 0,32.

მოცემული რიცხვითი მნიშვნელობების შეტანით ზემოთ მოყვანილ გამოსახულებაში, მიიღება კალაპოტის ზოგადი გარეცხვის საშუალო სიღრმე მრუდხაზოვან უბანზე, რაც ტოლია 5,06 მეტრის.

კალაპოტის გარეცხვის მაქსიმალური სიღრმე მრუდხაზოვან უბანზე მიიღება გამოსახულებით

$$H_{\max} = V \cdot H_m$$

სადაც  $V$  – კოეფიციენტია, რომლის მნიშვნელობა განისაზღვრება სპეციალური ცხრილიდან და დამოკიდებულია მოხვეული ნაპირის დახრაზე. ჩვენ შემთხვევაში მდ. დიდი ლიახვის მრუდხაზოვან უბანზე მარჯვენა, გერტიკალური ნაპირის დახრა დახრა 2-ზე მეტია, რასაც შეესაბამება  $V=1,4$ .

დადგენილი რიცხვითი მნიშვნელობების შეტანით მოცემულ გამოსახულებაში, მიიღება კალაპოტის ზოგადი გარეცხვის მაქსიმალური სიღრმე მდ. დიდი ლიახვის მრუდხაზოვან უბანზე, რაც ტოლია 7,08 7,10 მეტრის.

მრუდხაზოვან უბანზე კალაპოტის ზოგადი გარეცხვის მაქსიმალური სიღრმე, ( $H_{MAX}=7,10$  მ) უნდა გადაიზომოს მდ. დიდი ლიახვის 100 წლიანი განმეორებადობის წყლის მაქსიმალური ხარჯის შესაბამისი დონის ნიშნულიდან ქვემოთ.

აქევე აღსანიშნავია, რომ ზემოთ მოყვანილი მეთოდით კალაპოტის ზოგადი გარეცხვის სიღრმე იანგარიშება მხოლოდ ალუვიურ კალაპოტებში წყლის მაქსიმალური ხარჯების გავლისას. მეთოდი არ ითვალისწინებს მდინარეების სიღრმული ეროზიის პარამეტრების დადგენას ძირითად, კლდოვან ქანებში, სადაც სიღრმული ეროზიის განვითარება მეტად ხანგრძლივი პროცესია. ამრიგად, თუ ნაპირსამაგრი ნაგებობის საფუძველში დაფიქსირდება ძირითადი ქანები გარეცხვის სიღრმეზე მაღლა, ნაგებობა უნდა დაუფუძნოს ძირითად ქანებს.